

տօնել էր այդ անբարոյականութիւնը, այժմ բարեբախտաբար մեկնել էր Մոսկուա. թող նրա տեղապահ ընկեր Ասքանազը, որը պատասխանատու է ժողովրդեան կրթութեան բոլոր հարցերին, անմիջական միջոցներ առնի...

Ամէն կողմից՝ բարձրագոյն հրամանով՝ դանդատներ, բողոքներ, մատնութիւններ տեղացին:

Խոզը անկետային թղթի վրայ արձանագրուած էր:

Յայտնի էր, թէ 1917-ից առաջ ո՞ւր է ապրել, հակայեղափոխական շարժումին մասնակցել է թէ չէ, իր հայրը ի՞նչ գործով էր զբաղում, սեփականութեան տէ՞ր է թէ ոչ, որեւէ կուսակցութեան պատկանել է, ճերմակ բանակի մէջ ծառայել է, դեղաշիւ մէջ արձանագրուած է...

Խոզը միանգամայն կասկածելի էր: Իր սենեակում փակուած ոչ մէկի հետ հաղորդակցութեան մէջ չէր մտնում: Կասկած չկար, որ հակայեղափոխական դիտումներ ունէր, բուրժուական գոյուցի մտայնութիւն, արուեստը արուեստի համար գաղափարը պաշտպանող արտիստ, մուսաֆատիստ, մենչեւիկ կամ դաշնակ:

Չեկայի անդամներին մէկը պատի ծակից դիտել է, որ խոզը գետինը ընկած կարմիր թղթի վրայ միգել է...

Բռնել, բանտարկել, գնդակահարել:

Հարցը դրուեց կոմիսարների ժողովի առջեւ:

Լուսժողովոմ Պառաւեանը, փոքրիկ, տգէտ, գոռոց եւ նախանձոտ մարդուկ, ահնոցները ուղղեց, թուքը կուլ տուաւ եւ ճառեց: Պէտք է վերջ դնել այդ խայտառակութեան...

«Այդ խոզը, ընկերներ — ասաց նա — դարձել է մի տեսակ մղձաւանջ, նա խանդարում է Խորհրդային Հանրապետութեան խաղաղ շինարարական կեանքին, նա ստեղծում է մտանգաւոր մտայնութիւն»:

Ու կոմիսարը մէջ բերաւ «գիտական» պատճառաբանութիւններ:

Տնտեսական. — Խոզի պատճառով Պետական Թատրոնը դատարկ է: Այդ մասին թատրոնի վարիչ ընկ. Մամիկոնը ներկայացրել է գեկուցում: Ո՞վ պիտի վճարի տարուայ վեր-

ջին: Ու թողնենք այդ. ժողովուրդը իր դրամները տուրք վճարելու տեղ, Գերմանիայի յեղափոխութեան նպաստելու տեղ՝ մսխում է կրկնսում: Ու թողնենք այդ. խոզը ահազին ոռճիկ է ստանում, կոմիսարների հաւասար ոռճիկ:

Բաղաճական. — Ո՞վ է այդ խոզը, ի՞նչ է նրա նպատակը, ինչո՞ւ կուսակցութեան մէջ մինչեւ հիմա մտած չէ: Չեկայի տեղեկութիւնները շատ բացորոշ են... Անպատկառօքն միգել է կարմիր թղթի վրայ... (այստեղ կոմիսարը ահնոցները նորից ուղղեց եւ երկարօրէն յառեց ընկերներին): Ես կարծում եմ, որ այդ խոզը բերել են Հայաստան շատ մութ նպատակներով: Պարզ է:

Բարոյական. — Անբարոյականութիւն է: Չորստոանի, գոյուցի եւ բուրժուական այդ արտիստը պրոլետարական բանաստեղծութեան ընկերակից իսկ չէ, փտած կապիտալիստական ընթրի արդիւնք՝ նա մեր աղբի հօտը չի կարողանում տանել, մեր ցեխի առջեւ քիթը տըրտում է... Նրա ազդեցութիւնը ժողովրդական լայն մասաների վրայ օրէ օր մեծանում է: Անբարոյականութիւնը այն աստիճան հասած է, որ անցեալ գիշեր Համալսարանի դրականութեան մի դասախօս իր գաւակներին հետ գնացել է ցիրկ...

— Հո՛ւպ տալ, հո՛ւպ տալ, — բացականչեցին կոմիսարները:

— Դա ջոկ հարց է, — շարունակեց Լուսժողովոմը, առայժմ որոշում տանք խոզի մասին...

Հողժողովոմը փորձեց փոքրիկ պաշտպանութիւն: Նախագահը երբ վերադառնայ՝ կարող է բարկանալ... Դէ, ազպեր, խոզը խոզ է էլի, նեպային դրութիւն... արտասահմանը ինչ կ'ստի... Ուզո՞ւմ էք՝ դրկենք դիւղ...

Ընկեր Սաքոն կոմիսարների ուշադրութիւնը հրաւիրեց ուրիշ մի կարեւոր հանգամանքի վրայ. «Մեր թուքը եղբայրակիցները ի՞նչ պիտի մտածեն... հարեան տաճիկ պետութիւնը կարող է կասկածել... Նրանք չեն սիրում խոզերին. նրանց կրօնական զգացումը կարող է վերջապէս վերաւորուել... Մտածե՞լ էք այդ մասին»:

Այդ կէտի վրայ ոչ ոք չհակաճառեց, եւ